

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

R J E Š E N J E
**o nepostojanju zloupotrebe dominantnog položaja privrednog subjekta „LRC“ inženjering d.o.o.
Sarajevo protiv Finansijsko-informatičke agencije (FIA)**

Sarajevo
septembar, 2021. godine



Broj: UP-01-26-3-032-39/20
Sarajevo, 15.09.2021. godine

Konkurencijsko vijeće Bosne i Hercegovine, na osnovu člana 25. stav (1), člana 42. stav (2), člana 11. stav (2) i člana 11. stav (3) Zakona o konkurenciji („Službeni glasnik BiH“, broj 48/05, 76/07 i 80/09) rješavajući po posebnom zahtjevu za donošenje rješenja broj: UP-01-26-3-032-38/20 od dana 31.08.2021. godine, podnesenog od privrednog subjekta „LRC“ inženjering d.o.o. Sarajevo, ul. Dr. Fetaha Bećirbegovića 1B, 71 000 Sarajevo zastupanog po advokatima Branku Mariću i Ezmani Turković iz Marić & Co Advokatskog društva d.o.o., ul. Mehmeda Spahe 26, 71 000 Sarajevo, na 92. (devedesetdrugoj) sjednici održanoj dana 15.09.2021. godine, donijelo je

R J E Š E N J E

1. Smatra se da Finansijsko-informatička agencija, ul. Ložionička 3, 71 000 Sarajevo u skladu sa članom 11. stav (2) Zakona o konkurenciji, ne zloupotrebljava dominantni položaj u smislu člana 10. stav (2) istog zakona.
2. Ovo Rješenje je konačno i bit će objavljeno u „Službenom glasniku Bosne i Heregovine“, službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 03.11.2020. godine, pod brojem: UP-01-26-3-032-1/20, zaprimilo Zahtjev za pokretanje postupka (u daljem tekstu: Zahtjev) privrednog subjekta „LRC“ inženjering d.o.o. Sarajevo, ul. Dr. Fetaha Bećirbegovića 1B, 71 000 Sarajevo, zastupanog po advokatima Branku Mariću i Ezmani Turković iz Marić & Co Advokatskog društva d.o.o., ul. Mehmeda Spahe 26, 71 000 Sarajevo (u daljem tekstu: Podnosilac zahtjeva ili LRC) protiv Finansijsko-informatičke agencije, ul. Ložionička 3, 71 000 Sarajevo (u daljem tekstu: FIA ili Protivna strana), radi zloupotrebe dominantnog položaja u smislu člana 10. stav (2) tačke a) i b) Zakona o konkurenciji („Službeni glasnik Bosne i Hercegovine“, broj 48/05, 76/07 i 80/09) (u daljem tekstu: Zakon).

Nakon kompletiranja Zahtjeva, Konkurencijsko vijeće je utvrdilo da su stečeni uslovi za izdavanje Potvrde o prijemu kompletnog i urednog Zahtjeva te je ista, u smislu člana 28. stav (3) Zakona, izdana dana 21.01.2021. godine, pod brojem: UP-01-26-3-032-5/20.

Na osnovu dostavljenih informacija i dokumentacije, Konkurencijsko vijeće je ocijenilo da nije moguće bez provođenja postupka utvrditi postojanje povrede Zakona na koje Podnosilac zahtjeva ukazuje, te je

donijelo Zaključak o pokretanju postupka broj: UP-01-26-3-032-7/20 dana 21.01.2021. godine. Privrednom subjektu FIA isti je dostavljen zajedno sa Zahtjevom za pokretanje postupka, kako bi u ostavljenom roku mogli dati odgovor na Zahtjev.

Tokom postupka, a radi utvrđivanja svih relevantnih činjenica, u smislu odredbi člana 35. stav (1) tačke a) i c) Zakona, Konkurencijsko vijeće je prikupljalo podatke i dokumentaciju i od drugih tijela/institucija koje nisu stranke u postupku.

Imajući u vidu složenost predmeta, kao i činjenicu da se u predmetnom slučaju radilo o osjetljivom tržištu, Konkurencijsko vijeće je ocijenilo da je rok za donošenje konačnog rješenja po Zaključku koji se odnosi na utvrđivanje kršenja člana 10. stav (2) tačke a) i b) Zakona potrebno produžiti za dodatna 3 (tri) mjeseca u smislu člana 41. stav (2) Zakona. Tako je dana 17.05.2021. godine na 87. (osamdesetsedmoj) sjednici donijelo Zaključak o produženju roka za donošenje rješenja broj: UP-01-26-3-032-27/20 koji je dostavljen stranama u postupku.

S obzirom da se radi o postupku sa strankama sa suprotnim interesima, u svrhu prikupljanja novih dokaza i pružanja mogućnosti strankama da se izjasne o činjenicama i okolnostima koje su od važnosti za donošenje konačnog rješenja, Konkurencijsko vijeće je, u skladu sa članom 39. Zakona, održalo usmenu raspravu dana 12.05.2021. godine (zapisnik broj: UP-01-26-3-032-25/20), te pružilo mogućnost strankama u postupku da iznesu dokaze i postavljaju pitanja protivnoj strani.

Članom 41. stav (1) tačka c) Zakona je propisano da je nakon donošenja zaključka o pokretanju postupka Konkurencijsko vijeće dužno donijeti konačno rješenje o utvrđivanju zloupotrebe dominantnog položaja u roku od 4 (četiri) mjeseca. Nadalje, članom 11. stav (2) Zakona propisano je da ukoliko Konkurencijsko vijeće ne donese rješenje u roku iz člana 41. stav (1) tačka c) Zakona, smatra se da se zaključenim sporazumom odnosno postupanjem privrednog subjekta ne zloupotrebljuje dominantni položaj. Na poseban zahtjev privrednog subjekta, Konkurencijsko vijeće u skladu sa članom 11. stav (3) Zakona donosi rješenje da se zaključenim sporazumom, odnosno postupanjem privrednog subjekta ne zloupotrebljuje dominantni položaj.

Konkurencijsko vijeće je aktom broj: UP-01-26-3-032-35/20 i aktom broj: UP-01-26-3-032-36/20 od 23.08.2021. godine obavijestilo stranke u postupku da konačno rješenje u postupku nije doneseno iz razloga što se nisu mogli ispuniti zakonom propisani uslovi za njegovo donošenje, u smislu člana 24. stav (2) Zakona.

Privredni subjekt LRC podnio je Konkurencijskom vijeću poseban Zahtjev za donošenje rješenja u smislu člana 11. stav (3) Zakona dana 31.08.2021. godine pod brojem: UP-01-26-3-032-38/20.

Postupajući po Zahtjevu za donošenje rješenja privrednog subjekta LRC, a imajući u vidu naprijed navedeno, Konkurencijsko vijeće je konstatiralo da je rok za donošenje konačnog rješenja u smislu člana 41. stav (1) tačka c) Zakona protekao, te je u skladu sa članom 11. stav (3) Zakona donijelo odluku kao u tački 1. dispozitiva ovog Rješenja.

Administrativna taksa

U skladu sa članom 2. tarifni broj 107. stav (1) tačka g) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, broj 30/06 i 18/11) privredni subjekt LRC, je na ovo Rješenje obavezan platiti administrativnu taksu u iznosu od 1.500,00 KM u korist Budžet institucija Bosne i Hercegovine.

Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

Predsjednik

Dr.sc. Amir Karalić